

艸

蘭

花

金



宋十司

一

家

元和江標署



序

吳大

國朝彙刻前人詞者以虞山毛氏爲最富江
最精他若長塘鮑氏鹽官蔣氏亦嘗探靈琛於故楮采
片玉於珍秘倚聲之士沾溉良多吾友王子佑選明月
入抱惠風在襟孕幽想夫流黃激涼吹於空碧古襄落
落雅詎類於虎賁綺語玲玲媒不墮於馬腹曾偕端木
子疇許君鶴巢况君夔笙刻薇省聯吟詞固已裁雲製
霞天工儷巧刻葩斲卉神匠自操矣嘗以南宋詞人姜
張並舉暗香疏影石帚以堅潔自矜綠意紅情春水以
清空流譽洵足藥粗豪之病滌妖蕩之疵於是有雙白


詞之刻又以長公疏朗稼軒沈雄大德延祐之紀年雲
間信州之傳本延平劍合崑山壁雙流傳於竹塲弁州
賞鑒於延令傳是固學人之圭臬真詞場之景慶於是
有蘇辛詞之刻他若陽春領袖於南唐慶湖負聲於北
宋碧山之絲眇梅溪之軼麗中圭雙秀不殊怨悱之音
南渡四臣各抱忠貞之性天籟清雋待竹垞而傳蟻術
新豔遇儀徵而顯以及詞林正韻樂府指迷莫不錄諸
舊帙付諸削氏真詞苑之津梁雅歌之統會也君又以
天水一朝人請令慢續騷抗雅如日中天降及金元餘
風未泯尺縑寸錦易沒於煙埃碎璧零璣終歸於塵壒

遂乃名山剔寶海舶徵奇螺損千丸羊禿萬穎求書故
府逢宛委之佚編散步冷攤獲羽陵之秘牒傳鈔徧於
吳越讐校忘夫昏旦宋自潘閩以下得二十四家元自
劉秉忠以下得七家或麗若金膏或清如水碧或冷如
礪雪或奇若巖雲萬戶千門五光十色出機杼於衆製
融情景於一家復爲之搜采逸篇校訂訛字棲塵寶瑟
重調殆絕之絃沈水古香復扇未灰之燄洵足使汲古
遜其精享帚輸其富者矣荃孫冬心冷抱秋士愁多未
諳律呂之聲粗識目錄之學奉茲瓌寶歎爲鉅觀抉幽
顯晦共知搜集之苦心嚼徵含商俾識源流於雅樂癸



003871533

已八月江陰繆荃孫序於宣武城南誦韶覽夷之室



四印齋彙刻宋元三十一家詞目

第一冊

逍遙詞

筠谿詞

栢欄詞

樵歌拾遺

梅詞

綺川詞

東溪詞

文定公詞

第二冊

燕喜詞

梅山詞

拙庵詞

宣卿詞

晦庵詞

養拙堂詞

第三冊

雙溪詩餘

龍川詞補

龜峰詞

梅屋詩餘

秋崖詞

碎錦詞

潛齋詞

第四冊

覆瓿詞

撫掌詞

章華詞

藏春樂府

淮陽樂府

樵庵詞


墻東詩餘

天游詞

草廬詞

五峰詞

右宋詞別集二十四家元七家家爲一卷共三十
一卷



逍遙詞

宋 大名 潘 闓 逍遙

酒泉子

長憶錢塘不是人寰是天上萬家掩映翠微閒處處水
潺潺 異花四季當牕放出入分明在屏障別來隋柳
幾經秋何日得重遊

其二

長憶錢塘臨水傍山三百寺僧房攜杖徧曾遊閒話覺
忘憂 梅檀樓閣雲霞畔鐘梵清宵徹天漢別來遙禮
祇焚香便恐是西方

其三

長憶西湖湖上春來無限景
吳姬箇箇是神仙競泛木
蘭船 樓臺簇簇疑蓬島
野人祇只其中老別來已是
二十年東望眼將穿

其四

長憶西湖盡日憑闌樓上望
三三兩兩釣魚舟
島嶼正清秋 笛聲依約蘆花裏
白鳥成行忽驚起
別來閒整釣魚竿
思入水雲寒

其五

長憶孤山山在湖心如黛
簇僧房四面向湖開
輕棹去

還來 芰荷香噴連雲閣閣上清聲簷下鐸別來塵土
汗人衣空役夢魂飛

其六

長憶西山靈隱寺前三竺后冷泉亭上幾行遊三伏似
清秋 白猿時見攀高樹長嘯一聲何處去別來幾向
畫闌看終是欠峰巒

其七

長憶高峰峰上塔高塵世外昔年獨上最高層月出見
微稜 舉頭咫尺疑天漢星斗分明在身畔別來無翼
可飛騰何日得重登

其八

長憶吳山山上森森伍相廟
廟前江水怒爲濤千古恨
猶高 寒鴉日暮鳴還聚
時有陰雲籠殿宇別來有負
謁靈祠遙奠酒盈卮

其九

長憶龍山日月宮中誰得到
宮中且暮聽潮聲臺殿竹
風清 門前歲歲生靈草
人采食之多不老別來已白
數莖頭早晚卻重遊

其十

長憶觀潮滿郭人爭江上望
來疑滄海盡成空萬面鼓

聲中 弄濤兒向濤頭立手把紅旗旗不溼別來幾向
夢中看夢覺尙心寒

茂秀茂秀頗有吟性若或忘倦必取大名老夫之言
又非佞也聞誦詩云入郭無人識歸山有鶴迎又云
犬睡長廊靜僧歸片石閒雖無妙用亦可播於人口
耶然詩家之流古自尤少閒代而出或謂比肩當其
用意欲深放情須遠變風雅之道豈可容易而聞之
哉其所要酒泉子曲子十一首並寫封在宅內也若
或水榭高歌松軒靜唱盤泊之意縹緲之情亦盡見
於茲矣其閒作用理且一焉卽勿以禮翰不謹而爲

笑耶閩頓首

潘閩謫仙人也放懷湖山隨意吟咏詞翰飄洒非俗
子所可仰望雖寓錢塘而篇章靡有存者酒泉子十
首乃得之蜀人其石本今在彭之使廳予適爲西湖
吏宜鏡諸石庶共其傳崇甯五年重午日武夷黃靜
記


子適竊惟是邦以嚴名州爲子陵也以桐廬名郡爲
桐君也二公之所立可以爲廉貪立懦有不容稱贊
者皇朝所以作風俗亦未嘗不在是方削平僭僞平
定戎虜告成岱宗時則有若潘先生閩楊先生朴魏

先生野以高節簡知聖心師表一世而句法清古語帶烟霞近時罕及妄意以爲可襲二公之風謹刻梓於郡齋以與有志斯道者共之紹定之元冬十一月辛未山陰陸子適書

古今詞話潘逍遙自製憶餘杭詞三首其詞曰長憶西湖湖水上又長憶孤山山影獨又長憶西湖添碧溜云云舊刻或云虞美人或云酒泉子皆誤更有失去山影獨添碧溜字者不成詞矣按詞話所載卽卷中弟四五六三闋每起羈入三字似屬杜撰何謂失去不成詞耶其七闋攷明以來詞選詞話並未載沈

氏殆未見耳光緒癸巳灌佛日玉楫詞隱校畢記

逍遙詞



筠谿詞

宋 吳縣 李彌遜 似之

沁園春

欹枕深軒散帙虛堂畏景屢移漸披襟臨水搯牀就月
蓮香拂面竹色侵衣壓玉爲醪折荷當醖臥看銀潢星
四垂人歸後伴飢蟬自語宿鳥相依 癡兒莫蹈危機
悟四十九年都盡非任紆朱拖紫圍金佩玉青錢流地
白璧如坻富貴浮雲身名零露事事無心歸便歸秋風
動正吳淞月冷蓴長鱸肥

案張仲宗蘆川集誤刊

永遇樂

初夏獨坐西山釣臺新亭

曲徑通幽小亭依翠春事才過看筍成竿等花著果永
晝供閑坐蒼蒼晚色臨淵小立口引暮鷗飛墮悄無人
一溪山影可惜被渠分破 百年似夢一身如寄南北
去留皆可我自知魚翛然濠上不問魚非我隔離呼取
舉盃對影有唱更憑誰和知淵明清流臨賦得似恁麼
用前韻呈張仲宗蘇粹中

五十勞生紫髯霜換白日駒過閉戶推愁緣崖避俗壁
角團蒲坐提壺人至竹根同臥醉帽儘從欹墮夢驚回
滿身疏影露滴月斜雲破 無人自酌有邀皆去我笑

兩翁多可忍陳吟詩典衣沽酒二子應嗤我兩忘一笑
調同今古誰道郢歌無和後之人猶今視昔有能繼麼
念奴嬌

瑤池倒影露華濃羣玉峯巒如洗明鏡平鋪秋水淨寒
鎖一天空翠荷芰風搖蘋蘩波動驚起魚龍戲扶疏桂
影十分光照人世誰似老子癡頑胡牀危坐自引壺
觴醉斗轉參橫歌未徹屋角烏飛星墜對影三人停盃
一問誰會騎鯨意金牛何處玉樓高聳十二

坐上次王伯開韻

風簾弄影正閑堂永晝香銷人寂軋軋鄰機芳思亂愁

入回文新織燕蹴巢泥鶯喧庭柳妙夢無蹤跡那堪春
事背人何計留得 誰似愛酒南鄰岸巾坦腹醉踏西
山碧綵筆陽春傳鴈足催我飛觴浮白老去情懷憑君
試看鬢上秋霜色故園千里月華空照相憶

癸卯親老生辰寄武昌

楚天木落際平蕪千里寒霜凝碧鄂渚波橫何處是當
日孫郎赤壁黃耳音稀白雲望遠又見春消息嘉辰長
記謝池梅蕊初摘 遙想黃鶴樓高蘭堦絲管沸傳觴
如織倦客心馳歸路繞不及南飛雙翼固著斑衣重翻
錦字寄遠供新栢明年歡侍壽期應獻千百

三段子

次韻蘇粹中寄詠筠莊

層林煙霽巨壁天半鴻飛無路雲斷處兩山之間十萬
琅玕環翠羽轉秀谷枕蘋花汀激短柳疏籬向暮看臥
壑牛歸橫舟人去平蕪鷗鷺並遊不見鞭鸞侶只僧
前松子隨步回徑險凌風遐想小憩清泉欹茂樹正筍
蕨過如蘇新雨磯下游魚可數縱窈窕雲關長啓寂寂
誰爭子所世上丹轂朱纓春夢覺南柯何許况榮枯
無定中有歡離愁聚儘笑我詫盤中趣爲續昌黎賦會
有人秣馬膏車相屬一樽清醕

水調歌頭

橫山閣對月

清夜月當午軒戶踏層冰樓高百尺縹緲天闕敞雲扃
萬里風搖玉樹吹我衣裾零亂寒入骨毛輕徑欲乘之
去高興送青冥神仙說功名事兩難成葦汀筠岫深
處端可寄餘齡身外營營姑置對景掀髯一笑引手接
飛螢且盡盃中物日出事還生

次李伯紀韻趣開東閣

安石寓絲竹方朔雜恢諧昂霄氣概古來無地可容才
不見騎鯨仙伯唾手功名事了猿鶴與同儕有意謝軒

竟無計避嫌猜 靜中樂山照座月浮盃忘形湛輩一
笑正壑寫高懷只恐天催玉斧爲破煙塵昏翳人自日
邊來東閣動詩興莫待北枝開

次李伯紀春日韻

松菊漸成趣紅紫勿齊開花神靳惜芳事日日待公來
遙想金葵側處素月華燈相照妝影滿歌臺餘韻寫宮
徵飛落遠山隈 逃禪客尊中盡厭長齋且愁風絮斷
送春色攬離懷命駕何妨千里祇恐行雲礙轍直磴插
崔嵬手拍陽春唱隔岸借殘盃

次向伯恭薊林見寄韻

不見隱君子一月比三秋驚濤如許夢魂無路絕橫流
安得如雲長翮命駕不須千里上下逐君遊此計杳難
就注目倚江樓西樓裏多少恨寄歌頭飛奴接翼爲
我三度下南州三得伯恭佳詞正是天寒日暮獨釣一江殘雪
風獵碧莎裘和子浩然句一酌散千憂

再用前韻

不上長安道霜鬢幾驚秋故人何在時序欺我去如流
賞對洛濱仙伯共說薌林佳致魂夢與追遊更唱中秋
句得月上東樓雲巖底秋香下楚江頭十年笑傲眞
是騎鶴上揚州卻憶金門聯轡曉殿催班同到高拱翠

雲裘明月今千里何計緩離憂

八月十五夜集最樂堂月大明常歲所無衆客皆歡
戲用伯恭韻作

白髮閩江上幾度過中秋陰晴相半曾見玉塔臥寒流
不似今年三五皎皎冰輪初上天闕恍神遊下視人間
世萬戶水明樓賢公子追樂事占鼇頭酒酣喝月腰
鼓百面打涼州沈醉儘扶紅袖不管風搖仙掌零露溼
輕裘但恐尊中盡身外復何憂

驀山溪

次李伯紀梅花韻

衝寒山意未放江頭樹老去恨春遲數花期朝朝暮暮
疏英冷蕊也爲有情忙深夜月小庭中絕勝西城路
調元妙手便是春來處醞造十分香更暖借毫端煙雨
狂歌醉客小摘問東風花謝後子成時趁得和羹否

宣城丞廳雙梅

竹邊柳外兩兩寒梅樹疏影上簾櫳似卻口一枝橫暮
玉肌瘦損有恨不禁春縈冰珮整風裳悵望瑤臺路
我來勝賞持酒花深處天曉釀幽香正一霎如酥小雨
江山得助臭味許誰同長安遠故人疏夢到江南否
昆明池

次韻尙書兄春晚

帳錦籠庭囊香飄榭過了芳時強半覓殘紅蜂鬚趁日
占新綠鶯喉咤暖數花期望得春來去也把酒南山誰
伴更簾幙垂垂惱人飛絮亂落一軒風晚 手拍狂歌
揮醉枕笑浪走江頭幾逢歸燕憶黃華曾吹紗帽訝綵
樓催放紈扇功名事於我如雲謾贏得星星滿簪霜換
向棠棣華閒鵲鴿原上莫厭尊罍頻來見

十月桃

二首同富季申賦梅花

浮雲無定任春風萬點吹上寒枝砌外瓏璵暗香夜口

簾幃閑情最宜酒伴勝黃昏冷月清溪風流謝傅夢到
華胥長是相隨 似凝愁不語誰知芳思亂微酸已帶
離離傳語花神任教橫竹三吹枝頭要看如豆趁和羹
百卉開時十分金蘂先與東君一笑相期

一枝三四弄疏英秀色特地生寒刻楮三年謾誇煮石
成丹梨花帶雨難並似玉妃寂寞微潛瑤臺空闕露下
星墜零亂風鬟 記前回擁蓋西園花信被山煙著意
邀闌醜面橫斜大家月底頽然如今萬點難綴共蒼苔
打合成班詩翁何以勸春莫交粉淡香殘

聲聲慢

木犀

龍涎染就沈水薰成分明亂屑瓊瑰一朵纔開人家十
里須知花兒大則不大有許多瀟灑清奇較量盡謂勝
如末利賽過酴醾 更被秋光斷送微放些月照著陣
風吹惱殺多情猛拚沈醉酬伊朝朝暮暮守定儘忙時
也不分離睡夢裏膽瓶兒枕畔數枝

永遇樂

學士兄築室南山拒梗峯下與西山相對因生日以
詞見意

一水如繩兩山如翼綠野如繡松院干霄筠莊枕浪攬

盡溪山秀水南水北竹輿蘭棹來往月宵花晝問人閒
天上何處更尋大圍小有 人言拒梗功成仙去丹鼎
夜寒光透喚取雲英煉成石髓日月齊長久煩君挾我
朝元真闕兩翼羽輕風驟此時看小茅峰頂有雲貫斗
滿庭芳

中秋次劉夢弼韻

荷背翻黃焦心滴翠雨洗庭院無塵斷雲缺處矯首望
冰輪迤邐天垂四幕星杓淡河漢橫銀笙歌散風簾自
上寒水滿樓明 劉郎方得計釵搖繡戶枕並華裯笑
狂客無眠坐聽鐘鯨明月中秋一夢臨鴛鴦三繞殷勤

清光裏持盃對影風月兩兼并

水龍吟

上巳

化工收拾芳菲暈酥翦綵迎春襖江山影裏秦階星聚
重尋古意曲水流觴晚林張宴竹邊花外倩飛英襯地
繁枝障日游絲駐羲和旆三雲避清歌自止放一釧玉
沈寒水西園飛蓋東山攜妓古今無媿聞道東君商量
花藥作明年計待公歸獨運丹青妙手憶山陰醉

洞仙歌

登臨漳城詠梅

斷橋斜路又是春來也仙掌按雲半開謝儘凝酥砌粉
不似真香分明對冰雪肌膚姑射 天涯傷老大萬斛
新愁一笑端須問花借縱廣平冷淡鐵石心腸未拚得
花裏風前月下爲傳語游蜂緩經營且留與山翁醉吟
清夜

次李伯紀韻

殘煙薄霧仗東風排遣收拾輕寒做輕暖問墻隅屋角
多少青紅春不語行處隨人近遠 穿簾花影亂金鴨
香溫幽夢醒時午禽囀任拋書推枕嚼藥攀條暗消了
清愁一半且莫放浮雲蔽晴暉怕惹起羈人望中凝戀

江神子

臨安道中

夢中北去又南來飽風埃鬢華衰浮木飛蓬蹤跡爲誰
催自笑自悲還自悞一盃酒鼻如雷曉輿行處覺春
回肩瓊瑰慘口苦病眼衝寒欲閉又還開近水人家籬
落畔遙認得一枝梅

感皇恩

次韻尙書兄老山堂作

入夜月華清中天方好更著山光兩相照星稀雲淨玉
樹驚鳥三繞廣寒風露近秋光老老山高勝飛塵不

到亭上仙翁自昏曉短封新唱字字令人絕倒待憑書
寄恨歸鴻少

花心動

七夕

水館風亭晚香濃一番荷菱經雨簟枕乍閑襟裾初試
散盡滿軒裊暑斷雲卻送輕雷去疏林外玉鉤微吐夜
未闌秋生敗葉暗摧庭樹天上佳期久阻星河畔仙
車縹緲雲路舊恨未平幽歡難駐灑落半天風露綺羅
人散金猊冷醉魂到華胥深處洞戶悄南樓畫角自語
一寸金

尚書生日光州作光州芍藥甚盛尚書爲品次圖之
故末句云

仙李盤根自有雲仍靄芳裔笑溜雨霜皮臨風玉樹紫
髯丹頰長生久視鶴帳琅書至長庚夢當年暗記佳辰
近回首西風漸喜秋影弄霜藥 暫捲雙旌鳴金吹祝

萱堂伴新戲對璧月留光屏山供翠碧雲人合飛觴如
綴早晚巖廊侍終不負黃樓一醉丹青手先與翻堦萬
葉增春媚

蝶戀花

擬古

百尺游絲當繡戶不繫春暉只繫閑愁住拾翠歸來芳草路避人蝴蝶雙飛去困臉羞眉無意緒陌上行人記得清明否消息未來池閣暮濛濛一餉梨花雨

遊南山過陳公立後亭作

足力窮時山已晦卻上輕舟急棹穿沙背雲影漸隨風力退一川月白寒光碎喚客主人陶謝輩拂石移尊不管遊人醉羅綺叢中無此會只疑身在煙霞外

新晴用前韻

清曉天容爭顯晦溪上羣山戢戢分馳背誰似浮雲知進退疏林嫩日黃金碎夜枕不眠憎鼠輩困眼貪晴

拚被風煙醉天意有情人不會分明置我風波外

福州橫山閣

百疊青山江一縷十里人家路遶南臺去榕葉滿川飛
白鷺疏簾半捲黃昏雨樓閣崢嶸天尺五荷芰風清
習習消袞暑老子人間無著處一尊來作橫山主

西山小湖四月初蓮有一花

小小芙蓉紅半展占早爭先不柰腰肢軟羅鞵凌波嬌
欲顛向人如訴閨中怨把酒與君成眷戀約束新荷
四面低歌扇不放遊人偷眼盼鴛鴦葉底潛窺見

虞美人

詠古

上陽遲日千門鎖花外流鶯過一番春去又經秋惟有
深宮明月照人愁 暗中白髮隨芳草卻恨容顏好更
無魂夢到昭陽腸斷一雙飛燕在雕梁

東山海棠

海棠開後春誰主日日催花雨可憐新綠遍殘枝不見
香腮和粉暈燕脂 去年攜手聽金縷正是花飛處老
來先自不禁愁這樣愁來欺老幾時休

又

金泥捍撥春聲碎恨入相思淚醉欺秋水綠雲斜渾似

夢中重到阿環家 主人著意留春住不醉無歸去只
愁銀燭曉生寒明日落花飛絮滿長安

贈富季申別

年年江上清秋節醜面分霜月不堪對月已傷離那更
梅花開後海棠時 劍溪難駐仙遊路直上雲霄去藕
花恰莫礙行舟要趁潮頭八月到揚州

次韻葉少蘊懷隱庵作

方壺小有人誰到底事春知早史君和氣粲如花更築
百花深處駐春華 雲關遠枕茗溪淺未放歸懷展看
殘紅紫綠陰斜鸞鳳干霄卻上玉皇家

青玉案

楊花儘做難拘管也解趁飛紅伴驄馬無情人漸遠沙
平淺渡雨溼孤村何處長亭晚欲憑桃葉傳春怨算
不似斜風倩雙燕縱得書來春又換只將心事分付眉
尖寂寞梨花院

菩薩蠻

管邦惠家小鬟善謳

小山嬌翠低歌扇雛鶯學語春猶淺無力響方檀聲隨
玉筍翻垂鬟雲乍染媚靨香微點未解作輕顰凝情
已動人

新秋

涼颺輕散餘霞綺
疏星冷浸明河水
欹枕畫簷風秋生
草際蛩 鴈門離塞晚
不道衡陽遠
歸恨隔重山樓高
莫凭欄

又

風庭瑟瑟燈明滅
碧梧枝上蟬聲歇
枕冷夢魂驚一堦
寒水明 鳥飛人未起
月露清如洗
無語聽殘更
愁從兩鬢生

富季申見約觀月以病不能往夜分獨臥橫山閣作
此寄之

餘霞收盡寒煙綠江山一片團明玉
欹枕畫樓風愁生
草際蛩 金莖秋未老兩鬢吳霜早
忍負廣寒期清尊
對語誰

浣溪沙

小小茅茨隱翠微橋平雙手弄漣漪
好風還動去年枝
得雨疏梅肥欲展人家次第有芳菲
惜花恰莫探春
遲

和蔣丞端午覓渡

簫鼓哀吟樂楚臣牙檣錦纜簇江湄
調高綵筆逞尖新
海角逢時傷老大莫辭卮酒話情親
與君同是異鄉

又人

向日南枝不奈晴無風絳雪自飄零畫樓更作斷腸聲
小側金荷迎落葉高燒銀燭照殘英生愁斜月酒初

醒

臨江仙

次韻尙書兄送別

枝上子規催去旆柳條偏繫離情片雲留雨鎖愁城不
堪明月夜寂寞照南榮莫作東山今日計風雷已促
鷓鴣程功成來伴赤松行卻尋鴻鴈侶尊酒會如星

次韻富季申九月菊未開

燕去鶯來昏又曉
勞生莫負心期菊
花何必待開時
十分浮玉蟻一拍貫珠詞
少借筆端煙雨力
不須露染風披芳心微露定
因誰風流今太傅蕭灑古東籬

次李伯紀韻

多病淵明剛止酒
不禁秋藥浮香飲
船歌板已兼忘吳
霜羞鬢改無語對紅妝
小撚青枝撩鼻觀
絕勝嬌額塗黃獨醒滋味
怕新涼歸來燭影亂
欹枕聽更長

杏花

一片花飛春已滅
那堪萬點愁人可能春
便負閑身細

思愁不飲卻是自辜春 且共一尊追落葉猶勝陌上
成塵盃行到手莫辭頻杏花須記取曾與此翁鄰

次韻葉少蘊惜春

試問花枝餘幾許捲簾細雨隨人風光猶戀苦吟身海
棠渾怯冷爲我強留春 細聽惜花歌白雪不知醜面
生塵吹開吹謝漫驚頻少陵真有味愛酒覓南鄰

醉花陰

翠箔陰陰籠畫閣昨夜東風惡香逕漫春泥南陌東郊
惆悵妨行樂 傷春比似年時覺潘鬢新來薄何處不
禁愁雨滴花腮和淚胭脂落

木犀

紫菊紅萸開犯早，獨占秋光老。
醞造一般清，比著芝蘭猶自爭多少。
霜刀翦葉呈纖巧，手撚迎人笑。
雲鬢一枝斜，小閣幽窗是處都香了。

清平樂

登第

燭花催曉，醉玉頰春酒，一騎東風消息到。
占得鰲頭龍首，長安去路駸駸，明朝躍馬芳陰。
應是花簪鶯巧，東君著意瓊林。

春晚

簾紅雨飄蕩誰家去門外垂楊千萬縷不把東風留
住舊巢燕子來遲故園綠暗殘枝腸斷畫橋煙水此
情不許春知

浪淘沙

林仲和送芍藥再以詞爲寄次韻謝之

把酒挽芳時醉袖淋漓多情楚客爲秋悲未抵香飄紅
褪也獨繞空枝天女寶刀遲露染風披翠雲疊疊擁
銖衣知道筠谿春寂寞來慰相思

連鵬舉坐上次康平仲留別韻

樂事信難逢莫放怱怱飛紅撩亂減春容臨水不禁頻

送客風袖龍鍾 小閣畫堂東綺繡相重尊前誰唱夏
雲峯醒後欲尋溪上口煙水無窮

是日歌姬首唱夏雲峯

謁金門

寄遠

春又老愁似落花難埽一醉一回才忘了醒來還滿抱
此恨欲憑誰道柳外數聲啼鳥只恐春風吹不到斷
雲連碧草

滴滴金

次韻尙書兄老山堂雪

廣平未拚心如鐵恨梅花隔年別化工翦水鬪春風似

南枝和月 長鯨一飲甯論石想高歌醉瑤席幾時歸
去共尊曩看寒花連陌

訴衷情

次韻李伯紀桃花

小桃初破兩三花深淺散餘霞東君也解人意次第到
山家 臨水岸一枝斜照籠紗可憐何事苦愛施朱減
盡容華

好事近

同前

春苑雜芳花詩老賸誇梅格誰道武陵深處便不如姑

射 莫分紅淺與紅深
點點是春色
生怕一番風雨伴
飄零江國

鶴沖天

張仲宗以秋香酒見寄并詞次其韻

芻玉液釀花光來趁北窗涼
爲君小摘對葵黃
一似嗅
枝香 飲中僊
山中相也道十分宮樣
一般時候最宜
嘗竹院月侵牀

天仙子

次富季申韻

飛蓋追春春約佇
繁杏枝頭紅未雨
小樓翠幕不禁風

芳草路無塵處明月滿庭人欲去
一醉鄰翁須記取
見說新妝桃葉女明年卻對此花時
留不住花前語總
向似花人付與

清平樂

次韻葉少蘊和程進道梅花

斷橋缺月點點枝頭雪
畫角吹殘聲未歇
早是一年春別
壽陽弄粉成妝
柔腸結結丁香
可怕真梅輕妬
游蜂說與何妨

又

推愁何計車下忘乘墜
日上南枝春有意
已訝紅酥如

綴 兒童緩整餘盃芒屨午夜重來素面應憎月冷真
香不逐風回

又

長紅小白何處尋梅格日日南山雲滿額暗老一分春
色 廣平賦罷瑤香細口花藥商量留得筆端雨露後
來收拾羣芳 二月始得此詞故于末章見意

點絳脣

奉酬富季申

翦翦疏花託根宛在長松底蔓柯相倚便有凌霄志
丹鳳忽來小隊迎秋起留無計待公歸侍重與分紅翠

虞美人

宜人生日

梨花院落溶溶雨，弱柳低金縷。畫簷風露爲誰明，青翼
來時試問董雙成。去年春酒爲眉壽，花影浮金斗。不
須更覓老人星，但願一年一上一千齡。

醉花陰

學士生日

池面芙蓉紅散綺，鵲噪朱門喜。環佩響天風，香靄盃盤
更約麻姑侍。塵寰不隔蓬萊水，束帶巖廊戲。瘦鶴與
長松，且伴驪仙久住人間世。

碩人生日

簾捲西風輕雨外
揖數峯橫翠樓上
地行仙壓玉爲醪
旋摘黃金藥
一觴一闋千秋歲
不願封侯貴長伴紫
髯翁踏月吹簫笑詠雲山裏

感皇恩

學士生日

花院小迴廊庭萱成行
水面紅妝翠綃帳
蓬萊雲近風
露一番清曠
星郎來碧落長庚象
素志未酬丹心益
壯且醉眞珠小槽釀
不須皓齒手拍狂歌清唱
一尊爲
壽遠義皇上

端禮節使生日

密竹翦輕綃華堂初建捲上蝦鬚待開宴壽期春聚芍
藥一番開遍砌成錦步帳籠絃管絳節近頒丹雛重
見花裏雙雙乍歸燕重重樂事憑仗東風拘管一時分
付與金荷勸

小重山

學士生日

鞭鳳驟鸞自斗杓老君親抱送下層霄人間仙李占春
饒千秋裏松月伴吹簫故國水雲遙謫仙丹荔熟剝
紅綃南山影轉臥金蕉傾寒綠眉壽比山高

全宋詩
三
同前

星斗心胞錦繡腸
厭隨塵土客
逐炎涼
江山風月伴行藏
無人識
高卧水雲鄉
肘後有仙方
假饒丹未就
壽須長
儒冠多悞
莫思量
十分酒
齒蒼小池塘

花心動

夫人生日

紅日當樓繡屏開
風裊舞花隨步絳
拂珮蘭香染妝梅
彷彿紫煙眞侶
雪消池館年年會
玻璃泛小槽
新注弄簫語
雪琰未徹
暖回芳樹
瑤檢曾效壽縷
好繫日紫春馭
鸞深駐桂殿影
寒蓬山波闊
未似綵衣庭戶坐看

鶴鬢雲來戲重重拜天階
雨露縱遊處人閒遍尋洞府
漁家傲

博士生日

海角秋高風力驟樓臺四面山容瘦
季子貂裘寒欲透懸弧晝高歌棣萼聊卮酒
且共追歡寬白首清閑贏得身長久
世上功名翻覆手爲君壽腰閒要看懸金斗

阮郎歸

碩人生日

黃花猶未拆霜枝今年秋較遲
六么催泛玉東西登高慶誕時
神仙事古來稀且爲千歲期
戲萊堂上兩龐

眉何妨舉案齊

醉落托

同前

霜林變綠畫簾桂子排香粟一聲檀板驚飛鶯絃管樓
高誰在闌干曲人生一笑難相屬滿堂何必堆金玉
但求身健兒孫福鶴髮年年同泛清尊菊

柳梢青

趙端禮生日

壽煙籠席採蓮新按舞腰無力占盡風光人閒天上今
夕何夕藍袍換了萊衣慶歲歲君恩屢錫連夜歡聲

滿城佳氣和春留得

點絳脣

富季申生日

花信爭先暗將春意傳桃李壽卿同醉綠野連珠履

麟閣丹青注耆英裔眉閒喜日邊飛騎來從東山起
十樣花

陌上風光濃處第一寒梅先吐待得春來也香銷減態
凝竚百花休謾妬

陌上風光濃處
蘇杏枝頭春聚豔態最嬌嬈最比並東
鄰女紅梅何足數

陌上風光濃處日暖山櫻紅露結子點朱唇花謝後君
看取流鶯偏祝付

陌上風光濃處忘卻桃源歸路洞口水流遲香風動紅
無數吹愁何處去

陌上風光濃處最是海棠風措翠袖襯輕紅盈盈淚怨
春去黃昏微帶雨


陌上風光濃處自有花王爲主富豔壓羣芳蜂蝶戲燕
鶯語東君都付與


陌上風光濃處紅藥一番經雨把酒繞芳叢花解語勸
春住莫教容易去

筠谿詞

蘇軾

蘇軾





梧桐詞

宋 沙陽 鄧 肅 志宏

臨江仙

登泗洲嶺九首

帶雨梨花看上馬問人底事恩恩于飛有願恨難從大
鵬搏九萬鸚鵡鎖金籠 忽忽便爲千里隔危岑已接
高穹回頭那忍問前蹤家留煙雨外人在斗牛中

又

百尺危樓初過雨清風凜作輕寒一聲漁笛在雲端黃
昏簾幙捲新月半闌干 青翼不來音信斷雲窗杳隔

三山何當攜手便驂鸞今宵同勝景玉竿不留殘

又

春雪一甌扶醉玉翩翩兩腋生風柳腰無力殢雲蹤陳
郎投轄意分袂忍怱怱白玉琢盃龍麝泛瀼瀼天酒
爭濃何妨一飲上青驄晴空行夜月緩轡水晶宮

又

劍水泠泠行碧玉扁舟一葉吹風玉人招手畫橋東浩
歌隨月去春在小樓中簾幙低垂圍篤耨雕觴笑捧
春蕙護將雨意作雲濃單于吹未徹門外響玲瓏

又

雨過茶蘼春欲放輕寒約住餘芳南園今日被朝陽瓊
葩開萬點塵世滿天香 百卉叢中紅紫亂玉肌自笑
孤光清風翦翦過紗窗餘醒空一洗不數壽陽妝

又

獨宿禪房清夢斷雞聲喚起晨鐘出門曉月耿寒空小
池凝翡翠竹外跨飛虹 梅塢不知何處了傍籬臨水
重重嘯歌都在冷香中人閒那有此天上廣寒宮

又

夜飲不知更漏永餘酣困染朝陽庭前鶯燕亂絲簧醉
眠猶未起花影滿晴窗 簾外報言天色好水沈已染

木木言
羅裳檀郎欲起趁春狂佳人嗔不語劈面噴丁香

又

夜靜黃雲承寶鞵九疑人到羊家藥宮仙曲送流霞東
陵分玉井遠勝隔荷花綽約旗亭沾一笑衆驚食棗
如瓜畫橋煙柳忽翻鷓醉鬟傾綠醕參月共橫斜

又

樓北樓南青不斷晴空總是春容先來無處問郎蹤那
堪風不定雨盡一窗紅初恨水中徒捉月而今水月
俱空謾將雨意伴雲濃臨風干點淚不到淞江東

浣溪沙

雨入空階滴夜長月行雲外借孤光獨將心事步長廊
深鎖重門飛不去巫山何日夢襄王一牀衾枕冷淒
香

又

傍竹柴門俯碧流見人無語眼橫秋鳴機軋軋弄纖柔
定有迴文傳寶子何時銀漢渡牽牛歸來風雨夜颼

颼

又

宿雨潛回海宇春曉風徐散日邊雲熙熙人意一番新
破睡海棠能媚客舞風垂柳似招人春衫歸去馬蹏

輕

又

闌外形雲已滿空
簾旌不動石榴紅
誰將秋色到樓中

瑪瑙一泓浮翠玉
瓠犀終日凜天風
炎洲人到廣寒

宮

又

高會橫山酒八仙
煙雲不減九華妍
暖風瓊樹倚樓前

妙唱一聲塵閣落
靚妝四座玉相連
驂鸞何日共翩

翩

又

二八佳人宴九仙華堂清靜鬪春妍瓊枝相倚妙無前
良夜黃雲來縹緲東風碧酒意留連花閒蝶夢想翩
翩

又

半醉依人落珥簪天香不數海南沈時傾秋水話春心
已覺吹簫歸碧落從今禊飲笑山陰金盃休惜十分

深

又

海畔山如碧玉簪天涯消息歎魚沈賴逢傾國洗愁心
莫爲世情生旅況且因樂事惜光陰明朝紅雨已春

深

菩薩蠻

隔窗瑟瑟聞飛雪
洞房半醉回春色
銀燭照更長
羅屏圍夜香
玉山幽夢曉
明日天涯杳
倚戶黯芙蓉
涓涓秋露濃

又

萋萋欲遍池塘草
輕寒卻怕春光老
微雨溼昏黃
梨花啼晚妝
低垂簾四面
沈水環深院
太白困鴛鴦
天風吹夢長

又

飛紅欲帶春風去柳絲卻織春風住去住任春風只愁
尊俎空 今朝鞭馬去又得高陽侶半醉踏花歸霜蹠
驕欲飛

又

簾旌不動薰餘熱高堂誰送能言雪一笑下人閒天風
襲坐寒 歌聲雲外去句句蘇仙語曲罷一尊空飄然
欲馭風

又

廉纖細雨連天遠紗窗不隔斜風冷花柳自生春無聊
空閉門 雙雙攜手處回首煙汀暮嬌笑在高樓知人

牢落否

又

垂楊裊裊腰肢軟寒溪練練琉璃淺短艇臥吹風生涯
一葉中五湖須徑去何用若耶女煙雨暝沙汀花香
喚酒醒

又

腰肢欲趁楊花去歌聲能遏行雲住杯酒醉東風羈愁
一洗空謫仙清飲露意在飛瓊侶未醉卽求歸新詞
句欲飛

又

歸心謾逐飛雲去歡情卻爲芳菲住翠袖擁香風甯辭
玉笋空 主人承湛露元是皋夔侶早晚定遣歸商霖
四海飛

又

和李狀元

騎鯨好向雲端去踏花偶爲狂朋住笑語凜生風眼高
四海空 羊裘衝雨露我是漁樵侶已趁白鷗歸長江
自在飛

又

一心唯欲南園去東山著意留難住曾慣識追風馬羣

今已空 金盤盛玉露情絕鴛鴦侶破賊凱還歸冲天
看一飛

南歌子

竹影窺燈闇泉聲語夜長小窗無夢到高唐獨引三盃
長嘯步修廊 月午衣衫冷蓮開風露香闌干西角下
銀潢我欲乘槎天上泛寒光

又

皓月明顯雪冷風亂鬢雲高樓簾幙夜生春半醉依人
秋水欲斜傾 曉雨雙溪漲歸舟一葉輕杳無青翼寄
慙慙目斷煙波漁火又黃昏

又

雲繞風前鬢春闕檻

一作開鏡

裏妝鳳屏清晝藹

一作晨

龍香

淺畫蛾眉新樣遠山長
比翼曾同夢雙魚隔異鄉
玉樓依舊暗垂楊
樓下落花流水自斜陽

又

驛畔爭持草車前自喂牛
鳳城一別幾經秋
身在天涯海角忍回頭
旅夢驚殘月勞生寄小舟
都人應也望宸遊
早晚蔥蔥佳氣滿皇州

訴衷情

送李狀元三首

乘鸞縹緲過三山遊戲下人間金尊不辭頻倒春色上
朱顏 依暖玉掠風鬟語關關惟愁漏短雨散雲飛騎
月空還

又

龍頭一語定關山黃色上眉閒詔書促歸金闕玉帶侍
天顏 攏象板鞞宮鬟唱陽關從容禁闥若念林泉應
寄書還

又

從來雲雨過巫山只託夢魂閒何如醉逢傾國春到一
瓢顏 歌窈窕舞雙鬟掩雲關重城五鼓月下西樓不

忍輕還

長相思令

一重山兩重山山遠天高煙水寒相思楓葉丹
菊花
開菊花殘鴈已西飛人未還一簾風月閒

又

一重溪兩重溪溪轉山回路欲迷朱闌出翠微
梅花
飛雪花飛醉臥幽亭不掩扉冷香尋夢歸

又

紅花飛白花飛郎與春風同別離春歸郎不歸
雨霏
霏雪霏霏又是黃昏獨掩扉孤燈隔翠帷

西江月

臘雪猶埋石巘春風已入梅梢冷香隨馬上瓊瑤不與
時人同到 拍手恐驚星斗高歌已在煙霄醉呼玉女
解金貂笑問何如蓬島

又

風薦荷香翦翦月行竹影徐徐微聞環佩過庭除恐是
陽臺行雨 玉筍輕籠樂句流鬢夜轉詩餘酒酣風勁
露凝珠我欲驂鸞歸去

生查子

執手兩潸然情極都無語去馬更怱怱一息迷回顧

孤館得村醪一醉空離緒酒醒卻無人簾外三更雨
感皇恩

翠竹謾連雲天風不到簾幕重重自熱惱冷香忽至愛
惜當同芝草井花浮碧玉炎威埽酒渴想東鄰憂心
如擣納履生疑謾悔懊未容沈李相對尊前傾倒報君
惟短句瓊琚好

一翦梅

題泛碧齋

雨過春山翠欲浮影落寒溪碧玉流片帆乘興挂東風
夾岸花香擁去舟尊酒時追李郭遊醉臥煙波萬事

休夢回風定斗杓寒漁笛一聲天地秋

蝶戀花

代送李狀元

執手長亭無一語淚眼汪汪滴下陽關句牽馬欲行還
復住春風吹斷梨花雨海角三千千疊路歸侍玉皇
那復回頭顧旌旆已因風月駐何妨醉過清明去

江城子


酒闌攜手過回廊夜初涼月如霜笑問木樨何日吐天
香待插一枝歸斗帳和雲雨殢襄王如今滿目雨新
黃遠高堂自芬芳不見堂中攜手舊鴛鴦已對秋光成

感慨更夜永漏聲長

瑞鷓鴣 此闕本集誤入律詩中今錄此

北書一紙慘天容花柳春風不敢穠未學宣尼歌鳳德
姑從阮籍哭途窮 此身已落千山外舊事迴思一夢
中何日中興煩吉甫洗開陰翳放晴空

井欄詞



樵歌拾遺

宋 洛陽 朱敦儒 希真

春曉曲

西樓月落鷄聲急
夜浸疏香浙
憑玉人酒渴嚼春冰
曉色入簾橫
寶瑟

如夢令

一夜新秋風雨
客恨客愁無數
我是臥雲人
悔到紅塵
深處難住
難住拂袖青山歸去

相見歡

東流吹盡江梅
橘花開舊日
吳王宮殿長青苔
今古

事英雄淚老相催長恨夕陽西下晚潮回

又

瀧州幾番清秋許多愁嘆我等閑白了少年頭
人閒事如何是去來休自是不歸歸去有誰留

生查子

年年玉鏡臺梅蕊宮妝困今歲未還家怕見江南信
歡從別後疏淚向愁中盡遙想楚雲深人遠天涯近
昭君怨

隴月黃昏亭榭池上秋千初架燕子說春寒杏花殘
淚斷愁腸難斷往事總成幽怨幽怨幾時休淚還流

洛妃怨

拾翠當年延佇解佩感君誠素微步過南岡獻明璫
襟上淚難再會惆悵幽蘭心事心事永難忘寄君王
點絳脣

春雨春風問誰染就江南艸燕嬌鶯巧只是參軍老
今古紅塵愁了人多少尊前好緩歌低笑醉向花閒倒
沙塞子

萬里飄零南越山引淚酒催愁不見鳳樓龍闕又經秋
九日江亭閑望蠻樹口瘴煙浮腸斷紅蕉花晚水西
流

又

蠻逕尋春春早千點雪已飛梅席地插花傳酒日西催
莫作楚囚相泣傾銀漢洗瑤巵看盡人間桃李拂衣

歸

浣溪沙

白玉闌干白玉人倚花吹葉忍黃昏蕭郎一去又經春
眉淡翠峯愁易聚臉殘紅雨淚難勻纖腰減半綠羅

裙

又

雨溼清明煙火殘碧溪橋外燕泥寒日長獨自倚闌干

脫箏脩篁初散綠褪花新杏未成酸江南春好與誰
看

又

才子佳人相見難舞收歌罷又更闌密將春恨繫幽歡
結子同心香佩帶帕兒雙字玉連環酒醒燈暗忍重
看

減字木蘭花

劉郎已老不管桃花依舊笑笑要聽琵琶重院啼鶯覓謝
家 曲終人醉多似潯陽江上淚萬里東風故國山河
落照紅

又

慵歌怕酒今日春衫驚著瘦雙燕簾櫳金鴨香沈客淚
中 琵琶重聽誰信人間多少恨落日東風吹得桃花
滿院紅

采桑子

扁舟去作江南客旅鴈孤雲萬里煙塵回首中原淚滿
巾 碧山相映汀洲冷楓葉蘆根日落波平愁損辭鄉
去國人

清平樂

木樨

人閒花少菊小芙蓉老冷淡仙人偏得道買定西風一
笑前身元是江梅黃姑點破冰肌只有暗香猶在飽
參情似南枝

又

亂紅深翠樓閣春風外胡蝶成團飛照水睡鴨無人驚
起身閑更覺身輕酒壺歌扇隨行芳艸綠楊堤畔一
聲初聽啼鶯

又

相留不住又趁東風去樓外夕陽芳艸路今夜短亭何
處杏花斜壓闌干朱簾不卷春寒惆悵黃昏前後離

腸酒病厭厭

又

多寒易雨春事都相誤
愁過黃昏無著處
寶篆燒殘香縷
低鬟暗摘明璫
羅巾浥損殘妝
簷外幾聲風玉丁
東敲斷人腸

十二時

連雲衰草連天
晚照連山
紅葉西風正搖落
更前溪鳴咽
燕去鴻歸
音信絕
問黃華又共誰折
征人最愁處
送寒衣時節

一落索

一夜雨聲催曉青燈相照舊時情緒此時心花不見人
空老 可惜春光閑了陰多晴少江南江北水連雲問
何處尋芳草

又

慣被好花留住蝶飛鶯語少年場上醉鄉中容易放春
歸去 今日江南春暮朱顏何處莫將愁緒比飛花花
有數愁無數

雙鷓鴣

拂破秋江煙碧一對雙飛鷓鴣應是遠來無力稍下相
偎沙磧 小艇誰吹橫笛驚起不知消息悔不當時描

得如今何處尋覓

桃源憶故人

雨斜風橫香成陣春去空留春恨歡少愁多因甚燕子
渾難問碧尖感損眉慵暈淚溼胭脂紅沁可惜海棠
吹盡又是黃昏近

又

西樓幾日無人到依舊紅圍綠繞樓下落花誰埽不見
長安道碧雲望斷無音耗倚遍闌干殘照試問淚彈
多少溼遍樓前艸

柳梢青

紅分翠別宿酒半醒征鞍將發樓外殘鐘帳前殘燭窗
邊殘月 想伊繡枕無眠記行客如今去也心下難拚
眼前難覓口頭難說

又

狂蹤恠迹誰料半老天涯爲客帆展霜風船隨江月山
寒波碧 如今著處添愁怎忍見參西雁北洛浦鶯花
伊川雲水如何歸得

西江月

世事短如春夢人情薄似秋雲不須計較苦勞心萬事
原來有命 幸遇三杯酒美更逢一朵花新片時歡笑

且相親明日陰晴未定

又

日日深杯酒滿朝朝小圃花開自歌自舞自開懷且喜
無拘無礙青史幾番春夢紅塵多少奇才不須巧計
與安排領取而今現在

玉樓春

今冬寒早風光好休怪攬先欹絮帽蟹肥一箇可稱斤
酒美三盃真合道少年閑夢垂垂了且喜松風吹不
到平分兩月是新春卻共梅花依舊笑

夢玉人引

浪萍風梗寄人間倦爲客夢裏瀛州姓名誤題仙籍歛
翅歸來愛小園脫籜篔簹新種幽花戒兒童休摘放
懷隨分各逍遙飛鷁等鵬翼舍此蕭閑問君攜杖安適
諸彥羣英詩酒皆掠敵太平時向花前不醉如何休得
減字木蘭花

古人誤我獨舞西風雙淚墮
舊去無蹤木落西陵返照
紅人閒難住擲下酒盃何處去
樓鎖鐘殘山北山南
兩點煙

南鄉子

宮樣小腰身玉帶羅衫穩
試新小底走來宣對御催頻

相見歡
曲殿西廂小苑門 歌舞鬪輕勻不許楊花上錦裯勸
得君王真箇醉承恩金鳳紅袍印粉痕

相見歡

秋風又到人閒葉斑斑四望煙波無際欠青山 浮生
事長江水幾時閑幸是古來如此且開顏

卜算子

除夕


江上見新年年
夜聽春雨有箇人人領略春粉淚紅輕
注 深勸玉東西低唱黃金縷
撚底梅花總是愁酒盡
人歸去

又

碧瓦小紅樓芳草江南岸雨後紗窗幾陣寒零落梨花
晚看到水如雲送盡鴉成點南北東西處處愁獨倚
闌干遍

希真詞清雋諧婉猶是北宋風度樵歌三卷求之屢
年苦不可得此卷鈔自知聖道齋所藏汲古閣未刻
詞本先付梓人它日當獲全帙以慰飢渴珠光劍氣
必不終湮書此以爲左券癸巳初冬三日晨起炳燭
記吟湘病叟

樵歌拾遺



梅詞

宋

朱

雍

如夢令

池上數枝開遍
臨水幽香清淺
樓上欲黃昏
吹徹一聲晴管
零亂零亂
衣上殘英都滿

生查子

簾櫳月上時
寂寞東風裏
又是立黃昏
梅影臨窗綺
玉梅清夜寒
夢斷還無寐
曉角一聲殘
吹徹人千里
點絳脣

輕豔盈盈相逢會
向寒溪路惜飄零處
無計禁春雨

素影參差人在瓊城步危闌暮年光催度特地香風別
留住

浣溪沙

殘日憑闌目斷霞寒林人靜每歸鴉小梅春早壓羣花
一檻風聲清玉管數枝月影到窗紗隔簾時度暗香
些

謁金門

春太早十二玉樓初曉半額試妝深院悄相逢何草草
臨水幽香縹緲彷彿淡妝窺照恰值日邊人未到紛
紛縈古道

好事近

春事

別作色

爲誰來枝上半留殘雪恰近小園香徑對霜

林寒月

危闌

別作樓

淒斷笛聲長吹到偏嗚咽最好短

亭歸路有行人先折

清平樂

雪開瑤徑素蕊迎春影樓上玉聲三弄定無奈幽香翻
陣 凌晨不事鉛華化工卻付春花流水殘陽江上清
隨月色低斜

憶秦娥

風蕭蕭驛亭春信期春潮期春潮黃昏浮動誰在江皋

碧雲冉冉橫溪橋瓊車未至餘香飄餘香飄一簾疏
影月在花梢

亭前柳

拜月南樓上面嬋娟恰對新妝誰凭闌干處笛聲長追
往事遍淒涼 看素質臨風消瘦盡粉痕輕依舊真香
瀟灑春塵境過橫塘度清影在回廊

又

竚立東風裏放纖手淨試梅妝眉暈輕輕畫遠山長添
新恨更淒涼 嘗憶得驛亭人別後尋春去盡是幽香
歸路臨清淺在寒塘同水月照虛廊

又

養就立霜圃問東君曾放瑤英回首藍橋路遍瓊城橫
斜影照人明 飄香信玉溪仙佩晚同新月步入西清
冰質枝頭裊更輕盈分春色贈雙成

十二時慢

粉痕輕謝池泛玉波暖

別作浸

琉璃初暖

別作波暖

靚靚

芳塵冥春浦水曲漪生遙岸麝氣柔雲容影淡正日邊
寒淺閉院寂幽管聲中萬感併生心事會陪瓊宴 春
暗南枝依舊但得當時別作初 繾繾晝永亂英續紛解佩
映人輕盈面香暗酒醒處年年共副良願

塞孤

次柳耆卿韻

雪江明練靜波聲歇玉浦梅英初發
隱隱瑤林堪乍別
瓊路冷雲堦滑寒枝晚已黃昏
鋪碎影留新月向亭皋
一任風裂歌起郢曲時目斷秦城
闕遠道冰車清徹
追念酥妝凝望切口淡竚迎佳節
應暗想日邊人聊寄
與同歡悅勸清尊忍負盟設

八聲甘州

聽琤琤漏永洗銀林梅英別作蕊
半寒收正蟾輝舒粉雲
容縷色切近妝樓人在東風竚立
悄悄獨疑眸多少橫

斜影縈繞江流 只有清香暗度墮髻簪珥玉曾賦清
游認瑤車冰轍佳致肯延留指蓬山青別作丹砂初轉望
滄溟羽佩一同舟仙娥許酒澆與我消盡春愁

迷神引

白玉樓高雲光繞望極新蟾同照前村暮雪霽梅林道
澗風平波聲渺喜登眺疏影寒枝顫別作裊太春早臨水

疑清淺靚妝巧 瘦體傷離向此縈懷抱覺璧華輕冰
痕小倦聽塞管轉嗚咽令人老素光回長亭靜無塵到
煙鎖橫塘暖香徑悄飛英難拘束任春曉

瑤臺第一層

上元扈蹕同宗室仲御作

西母池邊宴罷贈南真步玉霄緒風和扇冰華發秀雪
質孤高漢陂澄練影問是誰獨立江皋便凝望認壺中
圭璧天上瓊瑤 清標曾陪勝賞坐忘愁解使塵銷況
雙成與乳丹點染都付香梢壽妝酥冷郢韻佩舉麝卷
雲綃樂道遙口鳳凰臺畔憶取吹簫

西平樂

用耆卿韻

夜色娟娟皎月梅玉供

別作共

春緒不使鉛華點綴超出

精神淡竚

別作

休妒殘英如雨清香眷戀只恐隨風滿

路散無數

別作只恐他風滿樹散
難貯韻與柳合應从

江亭暮鳴佩語正值

匆匆乍別天遠瑤池縞轂

別作轂

好趁飛瓊去忍孤負瑤

臺伴侶瓊肌瘦盡庾嶺零落空悵望動情處畫角哀時

別作聲

暗度參橫向曉吹入深沈院宇

梅花引

梅亭別梅亭別梅亭回首都如雪粉融融月濛濛月

別作

江上小車歸去小樓空當時曾傳新妝薄而今一任花

零落朝隨風暮隨風竹外孤根猶與幽徑通長相憶

無消息庾嶺沈沈雲暗碧玉痕驚對離情無奈水遙天

闌隔瓊城年來素袂香不滅此心無限憑誰說夜綿綿

路漫漫愁

別作誰

聽枕前吹徹笛聲寒

笛家弄

用耆卿韻

瓊質仙姿縞袂清格天然疏秀靜軒煙鎖黃昏後影瘦
零亂豔冷瓏璫雪肌瑩暖冰枝縈繡更賦風流幾番攀
贈細撚香盈手與東君敘睽遠脉脉時情有舊立久
闌苑凝夕瑤窗淡月百琲尋芳醉玉談羣千鍾酌酒向
此是處難忘瘦花送遠何勞垂柳忍聽高樓笛聲悽斷
樂事人非偶空餘恨惹幽香不滅尙沾春袖

玉女搖仙佩

灰飛嶰谷佩解江干庾嶺寒輕梅瘦水面吞蟾山光暗
斗物色盈枝依舊凭暖危闌久有清香旖旎卻沾襟袖
賦情口窺人豔冷更是殷勤忍重回首誰知道春歸院
落積紛雪飛鴛鴦須謝化機愛惜碎璧鋪酥肯把飛
英儻憇念念瑤珂乘颿煙浦送別猶攜纖手馥郁盈芳
酒臨妝罷一點眉峯傷皺又只恐口收夢斷管淒風怨
曉催銀漏殘金獸參橫月墮歸時候

通卷詠棗行閒自無一點塵俗是不浪費楮墨者者
卿塞孤詞樂章舊刻誤連爲一段詞律云應於裂韻
分段又云前後段歇拍字數應同前結漸西風緊句

緊字爲羨笛家詞別久二字舊刻誤屬前段之末詞
律亦力辨之今校和作政與萬氏說合足資攷證尤
緒癸巳送雷日校畢竝記玉樞詞人

梅詞

綺川詞

宋 吳興 倪 偁 文舉

臨江仙

結束征鞍臨驛路長林積雪消初天回春色到平蕪不
禁盃酒罷便與故人疏 一曲陽關歌未徹僕夫催駕
修途非君思我更誰歟西風吹過鴈應有寄來書

又

萬里涼風收積雨一天晴碧新開暮雲歸盡絕纖埃金
波明靜夜玉露溼蒼苔 坐有霜髯詩酒客平生見月
銜盃傳聞丹詔日邊來莫辭通夕醉對景且徘徊

又

竹裏軒窗真可愛况當暑退新涼簷前巖桂向人芳清
陰團翠蓋金粟淡微黃坐到夜深明月出好風時度
幽香莫辭沈醉倒霞觴一枝聊贈子早冠綠衣耶

又

木落西風秋已半正當璧月圓時爲登絕嶺賦新詩酒
搖金鑿落波淨碧琉璃細看冰輪還有意要君把盞
休辭看看兩鬢欲成絲明年當此夜千里共相思

又

茅屋三間臨木杪門前流水潺潺林泉得趣喜身閑開

窗延翠竹翦樹納青山 行樂政須筋力健莫令白髮
衰顏與君藜杖極躋攀嶺頭舒望眼天末數煙鬟

又

湖上青山千萬疊倏如陣馬交馳平湖百頃卻透遲晴
光相蕩激倒影落淪漪 何日漾舟深碧處細聽羌笛
高吹多君起我以新詩未能同寓日聊復一伸眉

又

鳥語朝來新雨霽杖藜呼我閑行天晴腰腳上山輕清
風收積潤斜日弄新晴 最愛飛泉鳴野澗清如萬壑
松聲回風濺沫溼冠纓歸來魂夢冷幽響雜瑤瓊

南歌子

佳月當今夕清尊盡客歡參橫斗轉夜將闌試泛小溪
深處與重看野水從磨激羣山勢鬱盤殷勤照我一
盃殘更有謫仙奇句鬪清寒

又

置酒臨清夜狂歌盡一歡主人幽興未渠闌不負一天
明月捲簾看影動黃金闕光搖承露盤君今雙鬢未
凋殘明歲玉堂茲夕賞高寒

又

對月中秋夜傳觴一笑歡飄然逸興未應闌步向望湖

橋上倚闌看 松徑風蕭瑟 山腰路屈盤 南飛驚鵲五
更殘 小立水雲光 裏葛衣寒

又

露下衣微溼 盃深意甚歡 西風吹暑十分闌 月滿中秋
仍共故人看 酒好鵝黃嫩 茶珍小鳳盤 醉吟不覺曙
鐘殘 猶記歸來撲面井花寒

又

嫩竹呈新綠 幽花露淺紅 一簷蒼翠落盃中 更有飛泉
鳴珮響 丁東 樂事知難並 良辰得暫逢 晚風林下一
尊同 便覺飄然身在廣寒宮

又

積水凝深碧斜陽散滿紅扁舟輕漾白蘋風出港孤村
縈繞路相通野色浮尊淨荷香入座濃勝遊聊復五
人同恰似輞川當日畫圖中

水調歌頭

昨夜狂雷怒鞭起卞山龍怪見朝來急雨萬木偃顛風
試看潭頭落澗一片練波飛出河漢與天通向晚餘霏
落巾已墊林宗向高崑凭曲檻撫孤松爲彫好句快
傾桑落玉壺空借問廬山三峽與此飛流濺沫今日定
誰雄乞與丹青手寫入紫微宮

又

風捲暮雲盡鏡淨一天秋試把鵝黃新酒細酌散閑愁
西望羣山千疊眇眇飛鴻沒處爽氣與俱浮且盡尊中
緣不用歎淹留對西風歌妙曲意綢繆萬頃煙雲奇
變所得過封侯何事苦縈名利便合綠蓑青笠投紱早
歸休他日君尋我小艇釣寒流

念奴嬌

八月十三夜與宋卿對月賞桂花於光遠庵和李漢
老詞

素秋向晚正洞庭木落疏林凋綠惟有巖前雙桂樹翠

葉香浮金粟皓月飛來徘徊樹杪光射林間屋夜深人
靜好風忽起庭竹 俄頃萬籟號鳴清寒疑乍聽高巖
懸瀑起看碧天澄似洗應費明河千斛細酌鵝黃冥搜
奇句逸氣凌鴻鵠浩歌歸去卻愁踏碎瓊玉

減字木蘭花

和文伯兄詠新亭

憑高一覽紫翠相圍光照眼下瞰平湖鷺立鷗飛意自
如 天清境勝雲澹煙橫魚動鏡不是公詩誰寫新亭
一段奇

又

超然遠覽是我輩人方具眼默想江湖何處山川略得
如涼秋最勝萬頃芙蓉蓋明鏡更乞清詩要見胸中
一吐奇

又

新晴眺覽空翠相磨明老眼水滿溪湖來往風帆得自
如天公濟勝明月當空開寶鏡詠謫仙詩醉裏騎鯨
也大奇

又

嶺頭獨覽詩料森然紛滿眼倒影搖湖西子新妝定不
如溪南更勝一片寒光明瀉鏡賴有新詩不負西山

萬疊奇

又

新詩細覽滿紙驪珠光眩眼高論傾湖倒峽詞源世不
如園池日勝只恨孤鸞猶舞鏡陶寫須詩怪得連篇
字字奇

又

雨餘還覽隱隱遙岑花病眼嫩綠浮湖百頃蒲萄染不
如晨光絕勝不許纖塵微點鏡滿目皆詩莫怪騷人
語益奇

蝶戀花

讀東坡蝶戀花詞有會於予心依韻和之子方買地
築亭於光遠庵之側他日將老焉植梅種竹以委肖
韓故句尾及之使知鄙意未嘗一日不在茲亭也

長羨東林山下路萬疊雲山流水從傾注兩兩三三飛
白鷺不須更覓神仙處 夜久望湖橋上語欸乃漁歌
深入荷花去修竹滿山梅十畝煩君爲我成幽趣

肖韓和復次韻酬之四首

紫翠空濛庵畔路滿室松聲錯認潺湲注蕭灑蘋汀清
立鷺溪山眞我歸休處 老子平生無妄語梅竹陰成
肯舍斯亭去種秫會須盈百畝非君誰識淵明趣

又

我愛西湖湖上路萬頃波滄河漢連天注一片寒光明
白鷺依稀似我登臨處 報答溪山須好語痛飲高歌
何必騎鯨去環舍清陰消幾畝無人肯辦歸來趣

又

綠葉陰陰亭下路修竹喬松中有飛泉注水滿寒溪清
照鷺箇中不住歸何處 枝上幽禽相對語細聽聲聲
道不如歸去只待小園成數畝歸來占盡山中趣

又

茅屋三間臨水路棐几明窗待把蠹魚注我已忘機狎

鷗鷺溪山買得幽深處
小雨招君連夜語野服綸巾
勝日尋君去借問良田千萬畝
何如樂取林泉趣

朝中措

森然脩竹滿晴窗
山色淨明妝無限
淒涼古意白蘋紅
蓼斜陽
松風一枕借僧牀
馥馥桂花香
慙遠世塵縈
染坐令心地清涼

西江月

四面煙鬟繞翠
一川鴨綠搖光
危亭縹緲短松岡
把酒與君西望
萬事盡皆前定
人生底用乾忙
只應醉裏
是家鄉
且盡玉壺新釀

鷓鴣天

中秋賞月和宋卿

蕭瑟西風萬里秋
暮雲收盡月華流
偶然北海清尊滿
况是西山爽氣浮
登翠嶺更溪遊
素光何處不清幽
懸知明歲君思我
今夕歡娛可罷休

又

擬看今宵璧月秋
浮雲卻妬素光流
天公肯放冰輪出
我輩甯辭大白浮
穿翠密極遨遊
人間那得此深幽
金波若到清尊裏
下筆聯篇未肯休


又

野曠無塵夕靄收
人間八月桂花秋
三更爽氣山圍座
萬里涼風月滿樓
登絕嶺小遲留
人言惟酒可忘憂
一杯徑入無何有
未媿當年赤壁遊

九日懷文伯

去歲登高感歎長
今年九日倍幽涼
懷人獨下西州淚
對菊誰空北海觴
誇酒量鬪新狂
尙餘醉墨在巾箱
眼前風物都非舊
祇有青山帶夕陽

新川詞



東溪詞

宋 漳浦 高 登 彥先

多麗

人間世偶然攘臂來遊何須恁乾坤角抵又成冷笑侂
優且寬心待他天命謾鼓舌誇吾人謀李廣不侯劉蕡
未第十年公論合誰羞往矣瓦飄無意甑墮嬾回頭真
堪笑直鉤論議圓柄機籌 幸斯道元無得喪壯心豈
有沈浮好温存困中節概莫冷落窮裏風流酒滴真珠
飯鈔雲子醉飽臥信緣休歸去也幅巾談笑卒歲且優
游循環事亡羊須在失馬何憂

阮郎歸

過武仙縣謁許宰不遇作此寄之

武仙花縣謁臯仙急招橫渡船重門晝掩訟庭閑虛簷
羣雀喧金屋畔玉闌邊新春桃李妍主人情重客無
緣銷魂空黯然

驀山溪

容州病起作

黃茅時節病惱南來客瘦得不勝衣試腰圍都無一搦
東籬興在手種菊方黃摘晚豔泛新菊誰道乾坤窄
百年役役樂事真難得短髮已無多更何勞霜風染白

兒曹齊健扶口一翁孱龍山帽習池中歸路從欹側
行香子

瘴氣如雲暑氣如焚病輕時也是十分沈疴惱客罪罟
縈人歎檻中猿籠中鳥轍中鱗 休負文章休說經綸
得生還已早因循菱花照影筇竹隨身奈沈郎庭潘郎
老阮郎貧

漁家傲

紹興甲子潮州考官作

名利場中空擾擾十年南北東西道依舊綠山塵撲帽
空懊惱羨他陶令歸來早 歸去來兮秋已杪菊花又

遶東籬好有酒一尊開口笑雖然老玉山猶解花前倒
好事近

黃義卿畫帶霜竹

瀟灑帶霜枝獨向歲寒時節觸目干林憔悴更幽姿清
絕多才應賦得天真落筆驚風葉從此綠窗深處有
一梢秋月

再和餞別

送客過江村况值重陽佳節向晚西風蕭瑟正離人愁
絕尊前相顧惜參商引十分蕉葉回首高陽人散負
西樓風月

又和紀別

飲興正闌珊正是揮毫時節霜幹銀鈎錦句看壁閒三
絕西風特地颯秋聲樓外觸殘葉匹馬翩然歸去向
征鞍敲月

浪淘沙

王宰母生日寓居道州勉其來富州

璧月挂秋宵丹桂香飄廣寒宮殿路迢迢試問嫦娥緣
底事欲下層霄蘭玉自垂髫拜命當朝神仙會裏且
逍遙分取壺中閑日月來伴王喬

西江月

渺渺西江流水翩翩北客征帆清秋月影浸人寒雲淨
碧天澄淡飄泊道途寒落疏慵鬢髮盤髮從來涉世
戒三緘只好隨時飲啖

南歌子

菊撚黃金嫩盃傾琥珀濃良辰何處寄萍蹤短艇飄搖
一葉浪花中鳳闕遊娃館幽坡賞梵宮當年樂事總
成空目斷天邊想像意何窮


好事近

富貴本無心何事故鄉輕別空惹猿驚鶴怨誤松蘿風
月囊錐剛強出頭來不道甚時節欲命中車歸去恐

豺狼當轍

宋名臣言行錄云胡銓貶新州偶爲詞云欲駕巾車
歸去有豺狼當轍張棣卽迎檜意奏銓怨望於是送
南海編管流落幾二十年按此詞乃好事近歇拍載
東溪集中蓋彥先亦以發策忤檜被謫事覺略同棣
遂率合爲澹庵作從來讒慝之口含沙射影伎倆大
率類此可嘆亦可咲也去秋校刻澹庵詞深以失載
此詞爲憾讀此方爲釋然癸巳四月半唐老人

東溪詞



文定公詞

宋 江陰 丘 密 宗卿

水調歌頭

登賞心亭懷古

一鴈破空碧秋滿荻花洲淮山淡埽欲顰眉黛喚人愁
落日歸雲天外目斷清江無際浩蕩沒輕鷗有恨寄流
水無淚學羈囚望石城思東府話西州平蕪千里古
來佳處幾回秋歌舞當年何在羅綺一時同盡夢幻兩
悠悠盃到莫停手唯酒可忘憂

爲趙漕德莊壽

人物冠江左正始有遺音謫仙風味灑然那受一塵侵
倚馬文章天與霏屑談辭雲委宣室爲爐襟小駐外臺
節聊屈濟時心 記長庚曾入夢恰而今棖黃橘綠可
人風物是秋深九月明朝佳節得得天教好景供與醉
時吟從此壽千歲一歲一登臨

戊戌迂客回程至松江作

小隊擁龍節三度過鱸鄉煙波萬頃縠紋輕縹溼斜陽
何處漁舟唱晚最是蘆花風斷欵乃一聲長矯首望空
闊逸興墮微茫 咲塵纓何日許濯滄浪天隨甫里相
尋無處一淒涼會把水光山色收入煙簑短艇勝世作

清狂舉酒屬公子富貴未渠央

秋日登浮遠堂作

一葉下林表秋色滿蘅皋江風吹雨初過天宇一何高

蠟屐逕

別作遙

來堂上倚杖翛然長嘯萬里看雲濤逸興

浩無際安得駕靈鼇歎吾生天地裏一秋毫江山如
傳古來閱盡幾英豪回首口口何在舉目依然風景此
意屬吾曹欲去重惆悵松逕冷蕭騷

鄂渚憶浮遠堂

彩鷁駕飛艦帆影橫江鄉肥梅天氣一聲橫玉換新陽
驚起沙汀鷗鷺點別作愁破暮天寒碧極目楚天長一抹

詞苑
卷之
二
殘霞外雲斷水茫茫
遡清風歌白雪和滄浪枕流亭
別作
高館昔年行處半荒涼
我欲驂風遊戲收拾煙波佳
景一一付詞章聞說洞天好何處水中央

滿江紅

駐馬江頭聊自放塵勞蹤跡身漸老尊前羞見異鄉風
物雪柳垂金旛勝小釵頭又報春消息記去年持酒覓
新詞人疏隔時序好今猶昔攜賞處空追憶都如夢
纔覺悄然難覓且飲不須論許事從今瞭有佳天色但
官閑有酒便嬉游愁無益

和梁漕次張韻

玉宇無塵斜陽外江樓竚立人正遠騎鯨南去笑言難
挹冰雪生寒煙瘴冷海山著處恩波溼問碧門金闕待
君來何時入 猶自有新篇什應念我相思急滿烏絲
揮遍麝煤香泥尊酒相逢佳口口十年一夢長川吸想
上都風月未盟寒追良集

和范石湖

十載重遊愧好在吳中父老官事裏空然癡絕竟何曾
了賴有平生知己地全勝末路依劉表竟此身還復鴈
門跼甯論早 蓬僊語門口兆郇翰灑增榮耀倚先聲
風動瞭然家曉翹館每煩塵想口賓筵更著紅妝曉算

從前得此慰初心於人少

余以詞爲石湖壽胡長文見和復用韻謝之

冠蓋吳中羨來往風流二老談笑處清風滿座倡酌不
了琪樹相鮮崑閩裏玉山高並雲煙表歎時口頰有古
來無功名早 膺帝眷符夢兆爲國鎮騰光耀更甯容
秀野醉眠清曉麟組已聯方面重衮衣行接天香繞許
畸人中履奉英游榮多少

渚宮懷古卽事用二幹韻

楚甸雲收歌舞地依然江渚嗟往事豪華無限夢回何
許翠被那知恩玉度繡袿謾說爲行雨口不禁俛仰一

淒涼成千古 吳蜀會襟喉處據勝世開天府著詩書
元帥笑談尊俎步障月明翻鼓吹華棖霧溼披窗戶把
勝游都與舊風光湔塵土

癸亥九日

平楚蒼然煙靄外飛鴻冥滅身老矣登臨感慨幾時當
徹痛飲從教吹帽落悲歌莫擊壺邊缺算人生任運復
何爲傷情切 功名事休謾說渠有命誰工拙且隨宜
閒健強酌佳節九日從今知幾度試看鏡裏頭如雪向
醉中贏取萬緣空真蟬脫

洞仙歌

爲葉夢錫總領壽

一番好景近鬢花時候纔過收燈便晴晝正熊羆占夢
日戲綵稱觴當此際須信人間未有 光華分瑞節粉
署蘭臺誰出如公望郎右氣如虹才吐鳳指掌功名餘
事也千載猶當不朽待闢國清邊取封侯看肘後黃金
印懸如斗

辛卯嘉禾元夕作

江城梅柳慣得春先處催趁風光上歌舞見九衢車馬
流水如龍喧笑語羅綺香塵載路 歡娛多暇日尊俎
風流重見承平舊官府有多少佳麗事墮珥遺簪芳逕

裏瑟瑟珠璣翠羽好惜取韶華醉連宵更莫待收燈酒
闌人去

元宵詞

口口春口口畫口口處十里紅蓮照歌舞望鰲山天際
寶象翻空看未了湧出珠宮貝宇 錦江橋那畔羅綺
重重曲巷深坊暗香度玉相輝花並豔明月隨人歸去
也零落珠璣翠羽先如許風光更元宵算卻好圖將鳳
城誇去

庚申樂淨錦棠盛開作

花中尤物欲賦無佳句深染臙脂淺含露被春寒無賴

不放全開纔半吐翻與留連妙處 人閒稱絕色傾國
傾城試問太真似花否最娉婷偏豔冶百媚千嬌誰道
許須要能歌解舞筭費盡春工到開時甚卻付連宵等
閑風雨

詠金林檎

豐肌膩體雅澹仍嬌

別作矜

貴不與羣芳競姝麗向瓊林

珠殿獨占春風僊仗裏曾奉三宮燕喜 低回如有恨

失意含羞樂事繁華竟誰記應憐我空

別作今

老去無句

酌伊吟未就不覺東風又起鎮獨自黃昏怯輕寒這情
緒年年共花憔悴

沁園春

景明告行頗動懷歸之念偶得帥卿詞因次其韻前
闕奉送後闕以自見云

雨趁輕寒風作秋聲燕歸鴈來動天涯羈思登山臨水
驚心節物極目煙埃客裏逢君纔同一笑何遽言歸如
此哉別離久筭不應興盡卻棹船回 主人下榻高齋
更點檢笙歌頻宴開便留連不到迎春見柳也須小駐
度臘觀梅花別作樓上盈盈閨中脈脈應念胡麻正好別作
好栽從教去正危闌別作樓望斷小倚徘徊

又

匏繫彌年江北江南羨君去來笑山橫南浦朝來爽致
文書堆案胸次生埃放曠如君拘縻如我試問人生誰
樂哉真難學是得留且住欲去須回 何時竹屋茅齋
去相傍爲鄰三徑開撰小窗臨水危亭當巖隨宜有竹
著處須梅坐讀黃庭手援紫藟一寸丹田時自我當餘
暇更與君來往林下徘徊

千秋歲

用秦少游韻

梅妝竹外未洗脣紅退酥臉膩檀心碎臨溪閑自照愛
雪春猶帶沙路曉亭亭淺立人無對 似恨誰能會遲

見江頭蓋和鼎事終應在落殘知未免韻勝何曾改牽
醉夢隨香欲度三山海

又

征鴻天外風急驚飛退雲彩重窗聲碎初凝鋪徑絮漸
捲隨車帶凝望處巫山秀聳寒相對 高臥傳都會茅
屋傾冠蓋空往事今誰在梅梢春意動澤國年華改樓
上好與君浩蕩浮銀海

又

窺簷窗外酒力衝寒退風絮亂瓊瑤碎淩波爭繚繞點
舞相縈帶應愜當凝香燕寢佳人對 恰與花時會小

阻尋芳蓋猶自得春多在日烘梅柳競翠入山林改但
只恐別離恨遠如雲海

漢宮春

乙未正月和李漢老韻簡嚴子文

橫笛吹梅記南樓夜月疏藥纖枝香塵軟紅白暖不怕
寒欺人歸夢悄悵憑闌密約深期身漸老風流縱在逢
花那似當時 東閣占春宜早甚開遲也似雪屋口籬
須公綵毫度曲錦帳題詩多應見我怪尊前華髮其誰
煩道與巡簷共笑元是舊日相期

和辛幼安秋風亭韻癸亥中秋前二日

聞說瓢泉占煙霏空翠中著精廬旁連吹臺燕樹入境
清殊猶疑未足稱主人胸次恢疏天自與口攸佳處除
今禹會應無 選勝臥龍東畔望蓬萊對起巖壑屏如
秋風夜涼弄笛明月邀予三英笑粲更吳天不隔尊鱸
新度曲銀鉤照眼爭看阿素工書

水龍吟

爲建康史帥志道壽

藥珠僊籍標名絳紗覆玉雲霞裏鑿坡鳳掖絲絢鳴佩
甘泉近侍灌柳臨春飮梨照座絕塵風味記青蒲夜半
論兵萬語人驚誦回天意 麟組遙臨萬里談笑處江

山增麗遐衝坐折風流餘事唯應燕喜新築沙堤暫占
熊夢恰經長至過佳辰獻壽雙旌便好作朝天計

念奴嬌

燭花漸暗似夢來非夢今夕何夕簾幕生香人醉裏家
住深深密密送客難爲獨留無計此意誰知得相看無
語可憐心緒如織 緩轡踏月歸來空餘襟袖有多情
脂澤淺咲輕鬢追想處眼底如今歷歷著意新詞於人
好語過後應難必今宵酒醒斷腸人正愁寂

撲蝴蝶

蜀山作

鳴鳩乳燕春在梨花院重門鎮掩沈沈簾不捲紗牕紅
日三竿睡鴨餘香一線佳眠悄無人喚別本於此處分段謾消
遣行雲無定楚雨難憑夢魂斷清明漸近天涯人正
遠儘教閑了鞦韆覷著海棠開遍難禁舊愁新怨

祝英臺

成都牡丹會

聚春工開絕豔天巧信無比舊日京華應也只如此等
閑一尺嬌紅臙脂微點宛然印昭陽玉指最好是樂
歲臺府官閑風流賸歡意痛飲連宵花也爲人醉可堪
銀燭燒殘紅妝歸去任春在寶釵雲髻

江城梅花引

枕屏

輕煤一曲染霜紈小屏山有無閒宛是西湖雪後未晴
天水外幾家籬落晚半開關有梅花傲峭寒 漸看漸
遠水瀾漫小舟輕去又還野橋斷岸隱蕭寺出晴巒憶
得孤山山下竹溪前佳致不妨隨處有小窗閑與詞人
伴醉眠

西河

餞錢漕仲畊移知婺州奏事用幼安韻
口口水不了眼中供淚今宵忍聽唱陽關暮雲千里可

堪客裏送行人家山空老春薺 道別去如許易離合
定非人意幾年回首望龍門近口口李也知道追詔有來
時恣恣今見歸騎 整弓刀徒御喜舉觴離飲醕無味
端的慰人愁悴想天心注倚方深應是日日傳宣公來
未

夜合花

雨過涼生風來香遠柳塘池館清幽圓荷萬柄芙蓉困
倚輕柔暮霞映日初收更滿意綠密紅稠是牽情處低
回照影特地嬌羞 惆悵好景難耐慰家山夢繞十頃
新秋庭空吏散依然興在滄洲未容短棹輕舟謾贏得

終日遲留笑空歸去籃輿路月上西樓

垂絲釣

戊戌逐客自江入淮

夕烽戍鼓悲涼江岸淮浦霧隱孤城水荒沙聚人共語
盡向來勝處謾懷古 問柳津花渡露橋夜月吹簫人
在何許繚牆禁藥粉黛成黃土惟有江東注都無虜似
舊時得否

黃河清

爲史帥壽

鼓角精雄占雲稜喜邊塵今度還靜一線乍添口口皇

州日永樓外崇牙影轉擁千騎歡聲萬井太平官府人
初見夢熊三占佳景 皇恩夜出天闈雲章粲鳳鸞飛
動相映寶帶萬釘與作今朝佳慶勛業如斯得也况整
頓江淮大定這回恰好歸朝去共調金鼎

驀山溪

爲葉總領壽

風傳芳信曉色便清霽簾幕護春寒篆香溫笙簧韻美
使華容與星動帝上州花上臉柳邊眉競報占熊喜
懽娛好是玉塞無塵起鞭計小遲留要長折遐衝萬里
傳聞有詔宣室待歸來醺醪醖叵羅深莫負春蔥指

鷓鴣天

和嚴倅二秦同集席上賦

懷抱瓌奇懶叩闈朝陽獨賦遠人村卽看飛下芝封詔
會見趨歸金馬門 今夕飲拌濡裨一時尊俎盡詩人
唯余阿買真才劣醉後猶能寫八分

又

陸海蓬壺自有山光風霽月未應慳但將歌舞酌佳節
卻信陰晴是等閑 花照夜燭烘盤明年公更酒腸寬
奉陪黃繖傳柑宴莫忘紅妝擁口口

乙未錢守登君山

準擬關門度一秋強扶衰病起相酌不辭醕酌還吹帽
自笑鬢鬢怯露頭江日晚更遲留爭傳五馬足風流
論車載酒渾閑事著籠藏花說未休

采蓮曲

兩兩維舟近柳堤菱歌迤邐過前溪曲中自訴衷腸事
岸上行人那得知金齒屐翠雲篋女蘿爲帶蕙爲衣
惜花貪折歸時晚急漿相呼入翠微

詠綠荔枝

玳瑁筵中見綠珠淡然高韻勝施朱揉藍霧縠薔薇淺
半露冰肌玉不如餐秀色味膚腴輕紅端合與爲奴

只愁燕罷翻成恨贏得偏憐不似初

夜行船

越上作

水滿平湖香滿路繞重城薄花無數小艇紅妝疏簾青

蓋煙柳畫橋

別作船

斜渡

恣樂追涼忘日暮蕭鼓動月

明人去猶有清歌隨風迢遞聲在菱荷深處

昨醉中說越上書舊詞相與一咲乃煩和章狎至愧

不可言聊復戲作以謝塵務滿前略無佳語惟一過

目幸甚

一舸鷗夷雲水路貪遊戲悄忘塵數明月長隨清風滿

載那向急流爭渡 解后占星來已暮
芝封待卻催歸 去倚玉蒹葭論文尊俎
回首笑談何處

和成都王漕巽澤

飛鳥朝天雲作路長安近更無程
數梧竹當年絲綸奕世咫尺鳳池平渡
青眼相逢何太暮眉黃透卻愁君
去官事無多豐年有暇莫負賞心佳處

懷越中

萬柄荷花紅遶路錦連空望無層數
照水旌旗臨風鼓吹行遍月橋煙渡
堪笑年華今已暮身西上夢魂東
去一曲亭邊五雲門外猶記最花多處

臨江仙

乙未高宗慶七十母氏封宜人作

天上玉卮稱萬壽人閒湛露初勻種萱堂上閱青春薰
風頻送喜同日拜絲綸班在藥珠僊綴上等閑歷遍
燕秦紫皇先付與佳名宜家更宜國宜子又宜孫

感皇恩

庚申爲大兒壽

時節近中秋桂花天氣憶得熊羆夢呈瑞向來三度恨
被一官縈繫今朝稱壽也休辭醉斑衣戲綵薄羅初
試華髮雙親賸歡喜功名榮貴未要恩恩深計一盃先

要祝千百歲

蝶戀花

爲錢守壽

梅子著花當獻壽，得得天工有意，還知否。教在歲寒霜雪後，長年不羨松筠茂。莫厭盃深歌舞奏，約略絲綸，正是來時候。富貴明年公自有，天香宮燭黃封酒。

送岳明州

鼓吹東方天欲曉，打徹伊州梅柳都開了。盡道鄞江春許早，使君未到春先到。號令只憑花信報，旗壘精明，家世臨淮妙。遙想明年元夕好，玉人更著華燈照。

西堂竹閣日氣溫然戲作

逼砌筠窗圍小院日照花枝疏影重重見金鴨無風香
自暖臘寒纔比春寒淺晝景溫溫烘筆硯閑把安西
六紙都臨遍茗椀不禁幽夢遠鵲來喚起斜陽晚

一翦梅

梅

瀟灑佳人淡淡妝特地凌寒秀出孤芳雪爲肌體練爲
裳韻處天姿不御鉛黃古樣銅壺溼篆章淺浸橫斜
淨几明窗何妨三弄點苔蒼但有疏枝依舊清香

天仙子

畏暑只嫌秋較晚不道玉樓人漸遠此情那解卻清涼
腸欲斷愁無限安得冰壺還照眼 妙舞蹁躑歌宛轉
走遍京華何處見清眠無夢到西州餘香淺銀鈎軟唯
仗錦書聊自遣

朝中措

紹興末太學作

晚風斜日折梅花樓外捲殘霞領略一城春氣華燈十
萬人家 輕衫短帽風前趁馬月下隨車道箇小口口
口那人笑隔籠紗

又

幾回相與歎高才忽報馭風來誰道亟朝天闕更能同
上春臺 主人早晚班聯玉筍行聽連催湖上飽賡新
唱思堂快瀉深盃

又

尊前賓主角多才亦許我同來詩思競翻三峽酒狂欲
拘連臺 身閑有限莫辭光景刻燭相催沙路卽看聯
轡上林趁賞流盃

菩薩蠻

再登賞心亭用林子長韻

壺邊擊缺歌無節山川一帶傷情切依舊石頭城夕陽

天外明 行人誰是侶遺唱今何許對酒轉愁多愁多
奈酒何

甲午秋作

秋聲夜到秋香院重簾試捲都開遍只似舊時香更添
些子黃 綺窗人共賦猶憶分香句別後幾回秋見花
空復愁

次朱都大韻送王漕行

雲行帶水山橫閣故人去盡添蕭索反照射微茫臨分
愁夕陽 傳柑當令節連壁朝天闕還有鴈西飛慰入
新別離

西江月

恰好輕篷短櫂絕勝錦纜牙檣一聲橫笛起微茫十里
紅蓮步障 小待山頭吐月何妨說劍盃長更看風露
洗湖光水底金盤滉漾

又

明日又還重九黃昏小雨疏風菊英茱別作黃糝一尊同
付與今宵好夢 寒意梧桐葉上客愁畫角聲中小樓
何日卻從容千里此情應共

梅弄影

雨晴風定一任春寒逞要勒羣芳未醒不廢梅花晚來

妝面靚 曲闌斜凭水檻臨清鏡翠竹蕭騷相映付與
幽人巡池看弄影

訴衷情

癸未團司歸舟中作

東風罨岸進船難酒醒篆香殘不堪客裏無緒那更晚
來寒 思往事耿無眠掩屏山夜深人靜何處一聲月
子彎彎

丙申中秋

素衣蒼狗不成妍何意妒嬋娟不知高處難掩終自十
分圓 涵萬象獨當天照無邊乾坤呈露何況人間大

地山川

荆南重湖作

芙蓉深徑小肩輿相並語徐徐紅妝著處迎笑遮路索
踟躕 錦步障繡儲胥繞重湖更添月照人面花枝疑
在蓬壺

因見早梅作

十分風味似詩人有些子太清生只應最嫌俗子消瘦
卻盈盈 風乍靜雪初晴月微明泊然疏散莫是無情
作箇關情

錦帳春

已未孟冬樂淨見梅英作

翠竹如屏淺山如畫小池面危橋一跨著樓亭臨水宛

然郊野竹籬茅舍

好是天寒倍添幽

別作妍

雅正雪意

垂垂欲下更朦朧月影弄明

別作晴

初夜梅花動也

謁金門

送林子長同年赴官宣城

風又雨吹面落花紅舞把酒不禁春思苦別離聞杜宇

疊嶂樓頭佳處猶想衰牋容與思入雲山便好語莫

辭頻寄取

爲韓漕无咎壽

槐陰綠簾捲翠屏山曲照眼冰壺寒並玉賜衣便霧縠
熊夢又驚初卜好在掖垣梧竹應訝人歸猶未速已
頒新詔墨

又

羅袖薄玉臂鏤花金約起晚欠伸蓮步弱倚牀嬌韻惡
獨自青樓珠箔怎向日長花落門掩東風春寂寞誤
人嗔喜鵲

爲尤郎中延之壽

花雨潤煙鎖玉爐香韻笑度華年春不盡壽觴寒食近
甲子纔周一瞬爭羨朱顏青鬢咫尺朝元僊路穩碧

雲新有信

好事近

留幹家詠方響

空澗落鳴泉千騎雨霖衣鐵金奏欲爭人醉有玉聲清
越夜深纖手怯輕寒餘韻寄愁絕玉樹夢回何處但
滿庭霜月

辛酉二月望日雨中作

整整一冬晴雨後不論朝夕麥隴揀得一半莫妨他寒
食試看天氣定乘除寬更待三日桃李且須甯耐有
無邊春色

浣溪沙

鐵鎖星橋永夜通
萬家簾幕度香風
俊遊人在笑聲中
羅綺十行眉黛綠
銀花千炬簇蓮紅
座中爭看黑頭公

迎春日作

勝子幡兒裊鬢雲
釵頭絕唱舊曾聞
江城喜見又班春
拂柳和風初有信
欺梅殘雪已無痕
口口笑語作春

溫

浪淘沙

朱都大和荊州作次韻謝之

瀟灑五湖仙踏徧塵寰吟哦長憶兩松閒邂逅天涯還
一笑璧合珠連風采照衰殘妙語冷然妓圍香暖簇
金蟬端爲故人情未減醉玉頰山

定風波

詠丹桂

月殿移根入帝鄉風流猶是舊時妝猩血染成丹杏臉
濃點鬱金籠就赭衣黃浪說錦城元自少不道只今
何啻五枝芳試問司花誰是主傳語且煩都與十分香
卜算子

翠被怯輕寒花氣掠幽夢夢躡飛雲駕綵鸞口覺花枝

動 宿酒未全醒屋角聞晴哢口愛茶蘼徹骨香麝了
還重麝

柳梢青

和胡夫人

風佩珊珊雲屏曲曲愁絕春慳無賴餘寒半醒宿酒御
夾成單 深沈院落人間凭闌處眉顰黛殘彩筆慵拈
新聲微度興入雲山

點絳脣

戊子之春同官皆拘文不暇遊集春莫皆興牢落之
嘆予亦頗嘆之因作此乃三月九日也是日楊花甚

盛蓋風 下缺

花落花開等閑不管流年度舊游何處淺立空凝竚

驚拍闌干忍見春將暮憑風絮爲人飛去散作愁無數

醉花陰

木犀

碧玉槎牙金粟小山路驚秋老倒倚溼寒煙似怯秋風

閣淚啼清曉 銅壺冷浸宜深窈人試新妝巧雲鬢一

枝斜小閣幽窗是處都香了

愁倚闌

丙申重九和錢守

風雨驟妒花黃忽斜陽急手打開君會否是清涼
深
深密密傳觴似差勝落帽清狂滿引休辭還醉倒卻何
妨
按元鈔目錄此調下有如夢令二調詞佚

文定公詞

中華民國玖拾捌年柒月廿捌日

國家圖書館



003871533



線

833

7456

v. 13

舊籍